



Kaalallisut nutsigaq: Peqqissutsimut Naalakkersuisoqarfik

Ulloq: 21-01-2025
Suliap normua: 2025 - 347
All. nr.

**Tusarniaanermut akissut, uunga tunngatillugu: Ukiuni arlalinni
ilisimatuussutsikkut paasisat tunngavigalugit imigassaq pillugu politikkimut
innersuussutit**

Postboks 930
3900 Nuuk
Oqarasuaat. (+299) 34 68 00
E-mail: asn@nanoq.gl
www.govmin.gl

Ukiuni arlalinni ilisimatuussutsikkut paasisat tunngavigalugit imigassaq pillugu politikkimut innersuussutit pillugit tusarniaanermut allakkat nassiunneqartunut Inuussutissarsiornermut, Niuernermut, Aatsitassanut, Inatsisinik Atuutsitsinermit Naligiisitaanermullu Naalakkersuisoqarfimmit qujapput, imatullu oqaaseqaateqarpoq:

imigassaq aalakoorntortalik pillugu ukiunut arlalinnut politikikkissamut, ilisimatusarnermit tunngavilimmut, inassuteqaatinut amerlanernut Inuussutissarsiornermut, Niuernermut, Aatsitassanut, Inatsisinik Atuutsitsinermit Naligiisitaanermullu Naalakkersuisoqarfimmiit tapersorsorneqarput. Inuiaqatigiit peqqissusaanut tunngatillugu, meeqqat inuussutullu imigassamut tassungalu illersorneqarnissaanut tunngatillugu taakku atugassarititaat ilorrisimaarnissaallu iliuuseqarfiginiarneqarnissaa qulakkeerneqarniarmat pitsaavoq.

Tamatuma saniatigut, *Suliniuteqarfissaq 1: Ajoqusernerit pitsaaliorniarlugit imigassamik aalakoorntortalimmik nakkutillineq annertunerusoq.*, suliniutinik pitsaasunik inuussutissarsiortunut ingerlataqartunut sammiviliinissamut, nakkutigineqartumik imigassap pissarsiarineqarsinnaanera suliffeqarfeqarnermut pitsaasumik kinguneqarsinnaavoq, sulisut piffissat suliffigisassatik immaqa nakkutiginerulersinnaavaat, takkuttarnissaq aamma suliaqarnerunissaq qulakkeerneqassaaq, nuna tamakkerlugu suliffeqarfinni inuussutissarsiuteqarnermilu pilersaarutaasut malillugit iluaqutaasinnaalluni.

Taakku saniatigut *Suliniuteqarfissaq 1*-mut inassuteqaatinut pingaarnertut tunngatillugu atuutitsilernissaq inuussutissarsiortunut malunnartumik sunniuteqarnerluttoqarnissaa naalakkersuisoqarfimmiit oqaatigineqassaaq. Pingaarnertut niuerfiit, ulluinnarni nioqqutissanik pisiniarfiit taamatullu sulliffeqarfiit ilaannakortumik tamakkiisumilluunniit imigassamik aalakoorntortalinnik tunisaqartartut sunnerneqassapput.

Eqqaaneqareersunut *Inassuteqaat 1*-mut tunngatillugu nalilernerqarpoq: *Imigassamik aalakoorntortalimmik kisermaassineq pisortanit pigineqartumik atulersitsineq* suliniummut annertunerusumik akuliuttoqarpoq.

Inuussutissarsiorsinnaassutsip piumasaqaataasa illersorneqarnissaat, imigassamik aalakoorntortalimmik ilaannakortumik tamakkiisumilluunniit niuertunut tunngagaluarpalluunniit, naalakkersuisoqarfitsinniit soqutigineqartut pingaarnersaraat. Tamanna inuussutissarsiortunut ammasumik niuernikkut ukiorpassuarni periuseqartumiit immikkoortitsisumik periuseqalernermik kinguneqassaaq. Nammineq ingerlatsisunut niuernikkut ingerlasoqarnissaa naalakkersuisuniit orniginartinneqanngilaq.

Suliniuteqarfissat 1-mi inassuteqaatit 3, 4 aamma 5, naalakkersuisoqarfimmiit akuersaerneqarput. Taamaattoorli Inassuteqaat 3-mi atulersitsiniarnermi uparuarneqassaaq: Imigassamik aalakoorntortalimmik tuniniaanermut aamma sassaalliinermut piffissat killeqalerpata atuisut pisiniartartullu pissusiinut malunnaatilimmik allannguuteqassapput. Arfininngornermi imigassat matoqqatinneqartalerpata, niuertarfiit pisiniartartullu pisisariaqarnerminnut misigisimalissapput, soorlu tallimanngornikkut tamanna siornatigut misigineqartartoq. Imigassallu matoqqanerini unioqqutitsillutik imigassaarniartarnerit amerleriaateqarsinnaapput. Tamanna anguniarneqassappat inassuteqaatigineqartup siunertaa anguneqassaaq. Arfininngornermi imigassaarniartarnissaaq unitsinneqarnani sivikillisinneqarsinnaavoq.

Nunatsinni meeqqat inuusuttullu siunissaat eqqarsaatigalugu ullutsinnut malinnaasumik imigassamik politikkeqarnissamik sinaakkusiissussatut inassuteqaatit sinneri eqqarsaatigalugit suliniutit pitsaasuussut naalakkersuisoqarfimmiit nalilerneqarpoq. Meeqqat inuusuttullu peqqissutsikkut atugassarititaasut naalakkersuisoqarfimmiit pingaartinneqarput, pingaartumik eqqissisimasumik qularnaatsumillu peroriartornissaanut atugassarititaasut eqqarsaatigalugit, taamaattoorli aamma nunatsinni inuussutissarsiornikkut inuuneq pitsaasoq ingerlanneqarnissaanut ineriartortitsisoqassappat piareersimasariaqarmata.

Naalakkersuisoqarfik allanik oqaaseqaateqanngilaq.

Med venlig hilsen
Inussiarnersumik inuulluaqqusilluta

Inuussutissarsiornermut, Niuernermut, Aatsitassanut, Inatsisit
Atuutsinneqarneqarnerannut Naligiissitaanermullu Naalakkersuisoqarfik
Inuussutissarsiornermut, Niuernermut, Aatsitassanut, Inatsisit
Atuutsinneqarneqarnerannut Naligiissitaanermullu Naalakkersuisoqarfik